



STRENGTHENING FEMINIST MOVEMENTS GRANTMAKING PROGRAMME

CALL FOR APPLICATIONS 2021-22

Түгээмэл асуулт хариулт (PROPOSAL FORMAT)

Language: Mongolian

ТАВИГДАХ ШАЛГУУР

Strengthening Feminist Movements (SFM) тэтгэлэг эсвэл Leading from the South (LFS) тэтгэлэгийн алинд оролцохоо хэрхэн шийдэх вэ?

Үүний тулд, хөтөлбөр тус бүрт тавигдах шалгуурыг удирдамжаас уншаарай. SFM төслийн уралдааны удирдамжийг [эндээс](#) харин LFS төслийн уралдааны удирдамжийг [эндээс](#) харна уу. Мөн та [энд](#) даран сорилд хариулж таны өргөдөл аль хөтөлбөрт илүү тохиромжтой болохыг олж мэдээрэй.

Хувь хүмүүс зөвхөн ФХБ тэтгэлэгт хөтөлбөрт өргөдөл ирүүлэх боломжтой.

SFM нь эмэгтэйчүүд, охид, транс болон интерсекс хүмүүсийн эрхийн чиглэлээр орон нутгийн, бүсийн болон үндэсний хэмжээнд ажилладаг активист, бүлэг, сүлжээг дэмждэг. Харин, дэлхийн, бүс нутгийн хэмжээнд үйл ажиллагаа явуулдаг байгууллага, сүлжээ болоод феминист сан мөн/эсвэл 50,000 ам.доллараас их жилийн төсөвтэй байгууллага нь **LFS** тавигдах шалгуурыг нягтлан үзээд өргөдлөө ирүүлэх боломжтой.

Орон нутаг, бүс, үндэсний хэмжээнд ажилладаг, бүртгэлтэй, жилийн 20,000 ам.долларын төсөвтэй байгууллага болон бүлэг бол LFS хөтөлбөрийн “Галын шугамын хамгаалагчид” ангилалд өргөдлөө ирүүлээрэй.



ФХБ тэтгэлэг нь 6 сараас 1 жил хүртлэх хугацаатай төслийг дэмжих ба дээд хэмжээ 10,000 ам.доллар бол ӨМ хөтөлбөрийн “Галын шугамын хамгаалагчид” ангилалд 3 жилийн хугацаатай төсөлд 55,000 ам.доллар хүртлэх дэмжлэг олгодог болохыг анхаараарай.

Энэ жилийн тэтгэлэгийн уралдаанд манай улс оролцох боломжтой юу?

Энэ удаагийн төслийн уралдаанд дараах улсуудад байрладаг өргөдөл гаргагчид оролцох боломжтой. Үүнд: Бангладеш, Бутан, Камбож, Энэтхэг, Индонез, Бүгд найрамдах ардчилсан Лаос, Малайз, Мальдив, Монгол, Мьянмар, Непал, Пакистан, Филиппин, Шри Ланк, Тайланд, Зүүн Тимор, Вьетнам.

Хэрэв ажлын алба маань 60%-аас доошгүй нь эмэгтэйчүүд, охид (18-24 насны), транс болон интерсекс хүн байх шалгуурыг хангаж байгаа ч Удирдах зөвлөлд тавигдах шалгуурыг хангаж чадахгүй байгаа бол манай байгууллага санхүүжилт олгох шалгуурт нийцэх үү?

АЭС нь эмэгтэйчүүд, охид, транс, интерсекс хүмүүсийн өөрийн удирдлагын байгууллага, санаачлагыг дэмжих зорилготой юм. Хэрэв танай байгууллага эмэгтэйчүүд, охид, транс, интерсекс хүмүүсийн эрхийн чиглэлээр ажиллах зорилготой бол ажлын алба болон удирдах зөвлөлийн аль, алиных нь 60% нь эмэгтэйчүүд, охид (18-24 насны), транс, интерсекс хүмүүс байх ёстой гэсэн үг. Түүнчлэн өргөдөл гаргаж буй байгууллагын удирдах зөвлөл болон ажилтнууд нь АЭС-ийн заасан улс орон мөн/эсвэл бүсийг төлөөлж байх ёстойг анхаарна уу.

Мөн байгууллагад тавигдах шалгуурыг хангаагүй зарим онцгой үйлчилгээ, үйл ажиллагаанд түүний онцлог байдал, хэрэгжүүлэх нөхцлөөс бүрэн хамаарч уян хатан хандах хязгаарлагдмал магадлал бий.

Хэрэв удирдах зөвлөлийн бүх гишүүд нь эмэгтэй боловч Гүйцэтгэх захирал нь сиз эрэгтэй бол манай байгууллага санхүүжилт олгох шалгуурт нийцэх үү?

Харамсалтай нь үгүй. Өмнө дурьдсанчлан АЭС нь эмэгтэйчүүд, охид (18-24 насны), транс болон интерсекс шийдвэр гаргагч бүхий бүлгийг дэмждэг. Онцгой



үйлчилгээ, үйл ажиллагаанд уян хатан хандах магадлал бий ч энэ нь маш ховор бөгөөд тухайн тохиолдлоос хамаардаг.

Бид 18-аас доош насны охидын бүлэг юм. Бид уг төслийн уралдаанд өргөдлөө илгээх боломжтой юу?

Азийн эмэгтэйчүүдийн сан нь охидыг дараах хоёр түвшинд дэмждэг. Үүнд 18-24 насны охидын өөрсдийн удирддаг бүлэгт шууд санхүүжилт олгох, мөн 13 ба түүнээс дээш насны охид, эмэгтэйчүүдийн эрхийг хамгаалах үйл ажиллагааг дэмжих. АЭС нь удирдах зөвлөл болон ажлын албаны удирдах ажилтан нь 18-аас доош настай бүлэгтэй гэрээ хийх боломжгүй тул эдгээр албан тушаалтнууд нь 18 ба түүнээс дээш настай байх ёстой. АЭС нь охин хүүхэд болон 13-аас доош насны охидын эрхийн чиглэлээр ажилладаг байгууллагуудад дэмжлэг олгодоггүй.

Хэрэв манай жилийн төсөв 50,000 ам.доллараас их бол бид оролцох боломжтой юу?

АЭС-ийн Strengthening Feminist Movements хөтөлбөр нь орон нутгийн иргэдийн үүсгэл, санаачлагын, санхүүжилт авах хязгаарлагдмал нөөцтэй бүлгүүдийг дэмжих зорилготой. Иймд, 50,000 ам.доллараас их жилийн төсөвтэй бүлэг энэ хөтөлбөрийн шалгуурт нийцэхгүй юм. Харин та өргөдөл хүлээн авч байгаа [Leading from the South grant 2021-22](#) хөтөлбөрт тавигдах шалгуурыг нягтлан үзнэ үү.

Хэрэв манайх өмнө нь ямар нэгэн санхүүжилт авч байгаагүй шинэ байгууллага бол энэ уралдаанд өргөдлөө илгээх боломжтой юу?

АЭС нь шинэ санаалчлага/бүлгүүдийг өргөдлөө ирүүлэхийг урьж байна.

Бид өргөдлөө илгээхийн тулд зайлшгүй бүртгэгдсэн байх ёстой юу?

Хэрэв танай байгууллага бүртгүүлээгүй эсвэл илгээх шаардлагатай баримт, бичиг байхгүй бол өргөдлөө ирүүлэхээс хамгийн багадаа 2 долоо хоногийн өмнө бидэнтэй холбогдоно уу. Ингэснээр, бид танд ямар боломж байгааг тодорхойлох юм. АЭС нь зөвхөн өөрийн улсдаа гадаад орноос санхүүжилт авах эрх зүйн шалгуурыг хангасан хувь хүн, байгууллагатай гэрээ хийх боломжтой юм.



Энэхүү уралдаанд АЭС-ийн одоогийн тэтгэлэг авагч өргөдлөө илгээх боломжтой юу?

Тийм. Тавигдах шалгуурыг хангаж байгаа өмнөх болон одоогийн тэтгэлэг авагч нарт уг уралдаан нээлттэй. Гэвч таны одоогийн хэрэгжүүлж буй тэтгэлэг 2021 оны 12 сараас хойш дуусах бол та энэ удаагийн тэтгэлэгт оролцох боломжгүй юм.

Бид өмнө нь Азийн Эмэгтэйчүүдийн Сангийн тэтгэлэгт өргөдлөө илгээгээд санхүүжилт авч чадаагүй юм. Бид дахин өргөдлөө илгээж болох уу?

Та АЭС-ийн заасан шалгуурт нийцэж байгаа эсэх, хэрэгжүүлэх үйл ажиллагаагаа төслийн уралдааны удирдамжтай тохирч байгаа эсэхийг нягтлаад нийцэж байвал дахин өргөдлөө илгээгээрэй. Үүний зэрэгцээ, нэг удаагийн шалгаруулалтаар бид их хэмжээний өргөдөл хүлээн авдаг өрсөлдөөнтэй үйл явц болохыг мөн анхаарна уу.

Феминист/эмэгтэйчүүдийн/транс/интерсекс сангууд өргөдөл илгээх боломжтой юу?

Феминист хөдөлгөөнийг бэхжүүлэх хөтөлбөрт илгээх боломжгүй. Хэрэв та бүртгэлтэй феминист, эмэгтэйчүүдийн, транс, интерсекс сан бөгөөд бидний заасан 17 улс оронд 3 жилээс доошгүй хугацаанд үйл ажиллагаа явуулж байгаа бол ӨМ хөтөлбөрт өргөдлөө илгээх боломжтой. [LFS хөтөлбөрийн удирдамж болон Түгээмэл асуулт](#) хэсгээс дэлгэрэнгүй мэдээллийг авна уу.

Хувь хүмүүс өргөдөл илгээж болох уу?

Тийм, активист хувь хүмүүс өргөдөл илгээх боломжтой. Бид өргөдлийн мерит буюу туршлага, ур чадвар мөн үйл ажиллагаа нь эмэгтэйчүүд, охид, транс, болон интерсекс хүмүүсийн эрхийн хөдөлгөөнтэй хэрхэн холбогдож байгаад үндэслэн тэтгэлэгийг олгодог. Гэхдээ бид байгууллага, хөтөлбөрийн тэтгэлэгийг нэн тэргүүнд авч үздэг. Хэрэв та Бангладеш, Энэтхэг, Пакистан оронд байдаг бол юуны өмнө бидэнтэй холбогдон ямар боломж байгааг судлана уу. Түүнчлэн төслийн уралдаанд тавигдах шалгуурыг уншин өргөдөл илгээх боломжтой эсэхээ тодруулаарай. Өргөдөл гаргагч хувь хүн нь 5,000 ам.доллараас илүүгүй хэмжээтэй, 6 сар эсвэл 1 жилийн төслийн санал ирүүлэх боломжтой.



Олон талт, олон улсын, олон улсын төрийн бус байгууллага (ОУТББ), болон олон улсын санхүүгийн байгууллагын улс орон дах төлөөлөгчийн газрууд өргөдөл илгээж болох уу?

Уг тэтгэлэгт хөтөлбөрт олон талт, олон улсын, олон улсын төрийн бус байгууллага (ОУТББ), болон олон улсын санхүүгийн байгууллагын салбар, төлөөлөгчийн газар оролцох боломжгүй. Бид та бүхнийг төслийн уралдааны багц материал болон техникийн шаардлагуудтай анхааралтай танилцахыг зөвлөж байна. АЭС нь Азийн эмэгтэйчүүд, охид, транс, интерсекс хүмүүсийн эрхийн төлөө ажилладаг активист болон байгууллагыг дэмжих зорилготой буюу бүсийн хэмжээнд эмэгтэйчүүд, транс иргэдийн эрхийн чиглэлээрх үйл ажиллагаанд санхүүжилт хязгаарлагдмал байгаа асуудалд анхааран ажилладаг юм. Түүнчлэн АЭС нь бүсийн хэмжээний алсын хараа, эрхэм зорилготой эмэгтэйчүүд, охид (18-24 насны), транс болон интерсекс хүмүүсийн өөрсдийн удирдлага бүхий бүлгийг дэмждэг. Хэрэв та эмэгтэйчүүд, охид (18-24 насны), транс болон интерсекс хүмүүсийн эрхийн төлөөх бүсийн эсвэл олон улсын байгууллага бол ФХБ бус ӨМ тэтгэлэгт тавигдах шалгууртай танилцаад өргөдлөө илгээх боломжтой.

ТЭТГЭЛЭГИЙН ТӨРӨЛ БА ХУГАЦАА

SFM тэтгэлэгийн хэмжээ болон хугацаа ямар байдаг вэ?

Тэтгэлэгийн 6 сар эсвэл 1 жилийн хугацаатай байна. Анх удаа тэтгэлэгт өргөдөл ирүүлж буй байгууллага бол тэтгэлэгийн хэмжээ нь 5,000-7,000 ам.доллар байна. АЭС-ийн урт хугацааны (1 жилээс илүү) хамтрагч байгууллагад 10,000 ам.доллар хүртлэх тэтгэлэг олгох боломжтой. Хувь хүний тэтгэлэг нь 5,000 ам.доллараас хэтрэх боломжгүй. Олгох тэтгэлэгийн эцсийн хэмжээг санхүүжилтийн нөөц, боломжоос хамааран АЭС шийднэ.

Байгууллагын тэтгэлэг гэж юу вэ?

Байгууллагын тэтгэлэг гэдэг нь тухайн байгууллага санхүүгийн аливаа асуудлаа нөхөхөд үзүүлж буй дэмжлэг юм. Энэ төрлийн дэмжлэг нь ямар нэгэн “төсөлтэй” холбогдсон байх шаардлагагүй байдаг. Энэ нь та байгууллагын хэвийн үйл ажиллагааг хангахад шаардагдах зардлаа хүссэн өргөдөл илгээж болно гэсэн үг юм. Үүнд, захиргааны зардал, санхүүгийн менежмент, үйл ажиллагааны зардал буюу цалин, түрээс, тоног төхөөрөмж, аялал, оффисын засвар үйлчилгээ, эрх зүйн



болон санхүүгийн шалгуурыг (жишээ нь аудит) хангах, байгууллагын чадавх бэхжүүлэх, байгууллагын стратеги боловсруулах гэх мэт. Түүнчлэн байгууллагын тэтгэлэг нь таны одоо хэрэгжүүлж байгаа хөтөлбөр, хамтын ажиллагаа, санаачлагыг дэмжих боломжтой.

Та байгууллагын тэтгэлэгт өргөдлөө ирүүлэхдээ зарим хэсэг нь хөтөлбөрийн, зарим хэсэг нь байгууллагын дэмжлэг хүссэн эсвэл зөвхөн үйл ажиллагааны дэмжлэг хүссэн хэлбэрээр өргөдлөө ирүүлэх боломжтой (та мөн хөтөлбөрийн дэмжлэг хүссэн өргөдөл ирүүлэх боломжтой). Байгууллагын тэтгэлэг нь юунд санхүүжилт хэрэгтэй байгааг шийдэн, дэмжлэг авах уян хатан боломж олгодог. Байгууллагын тэтгэлэг олгох явцдаа АЭС нь байгууллагын тодорхой нэг төсөл/хөтөлбөрийн тухай мэдээллээс илүү үйл ажиллагааны талаар ерөнхий мэдээлэл, стратеги болон хүлээгдэж буй үр дүнгийн талаар мэдээллийг танаас хүсэх болно.

АЭС нь онц байдлын үеийн тэтгэлэг олгодог уу?

Үгүй, АЭС нь онц байдлын үеийн тэтгэлэг олгодоггүй. Гэхдээ та бидэнд applications@wf-asia.org хаягаар хандаарай, бид таныг холбогдох эх сурвалжтай холбох чиглэлээр чадах зүйлсээ хийх болно.

Та бүхэнд дэмжлэг үзүүлдэггүй үйл ажиллагаа эсвэл стратеги гэж бий юу?

АЭС нь феминист, эрхэд суурилсан хандлагатай зөрчилдсөн стратеги буюу үр хөндөлт, биеэ үнэлэлтийг эсэргүүцсэн болон ЛГБТИК олон нийтийн эрхийн эсрэг, мөн “дайран аврах” ажиллагаа зэргийг алийг нь ч санхүүжүүлэхгүй. Түүнчлэн бид дараах үйл ажиллагааг санхүүжүүлдэггүй.

- Зар сурталчилгааны үйл ажиллагаа
- Бичил зээл, санхүүжилт болон бусад орлого нэмэгдүүлэх үйл ажиллагаанууд
- Боловсролыг дэмжих, сургалтын тэтгэлэг, санхүүжилт болон солилцооны хөтөлбөр
- Эрүүл мэндийн хуаран ажиллуулах зэрэг үйлчилгээ үзүүлэх үйл ажиллагаанууд



Women's Fund Asia



STRENGTHENING FEMINIST MOVEMENTS 2021-22

- Сонгуулийн компанит ажил, сонгуулийн үйл явц, сонгуулийн явцад нэр дэвшигчийг дэмжих болон эсэргүүцэх, улс төрийн нам болон хувь нэр дэвшигчийг санхүүжүүлэх (бие даан нэр дэвшигчийг мөн адил) зэрэг шууд болон шууд бусаар сонгууль, улс төрийн намд түшиглэсэн улс төрийн үйл ажиллагаанууд
- Газар худалдан авах эсвэл барилгын ажил
- Онц байдлын болон гамшгийн үеийн санхүүжилт
- Академик судалгаа

НЭР ТОМЪЁО

“Транс” хүмүүс гэж юу гэсэн утгатай вэ?

АЭС нь “Транс” гэсэн нэр томъёог дэлхий дахинд болон бүс нутгийн хэмжээнд жендэр айдентити болон хүйсийн баримжаа илэрхийллийн олон янзат байдлыг багтаасан ойлголт гэж үздэг. АЭС нь трансфеминь, трансмаскулинь, күйр, нонбайнари болон хүйсийн хувьд хэвшмэл байдалд үл нийцэх зэрэг транс хүмүүсийн эрхийн төлөөх үйл ажиллагааг дэмждэг.

“Интерсекс” хүмүүс гэж юу гэсэн утгатай вэ?

“Интерсекс хүмүүс нь эмэгтэй, эрэгтэй гэсэн хүйсийн аль нэгэнд багтааж үзэх боломжгүй бэлгийн шинж чанартай (хромосом, гонад болон бэлэг эрхтний хувьд) төрсөн байдаг. Интерсекс байдал нь хүний бие махбод олон янз гэдгийг илэрхийлсэн ерөнхий/малгай нэр томъёо юм. Зарим тохиолдолд интерсекс шинж байдал нь төрөх үед мэдэгдэхүйц байдаг бол зарим үед шилжилтийн нас хүртэл тодорхой биш байдаг. Зарим хромосомын интерсекс байдал нь бие махбодид огт ил харагдахгүй ч байж болдог.¹

Сиз-эрэгтэй/эмэгтэй/жендэр гэж юу гэсэн үг вэ?

Сизжендэр/Сиз-эрэгтэй/Сиз-эмэгтэй гэдэг нь өөрийн хүйсээ тодорхойлж буй байдал нь төрөхөд тэмдэглэгдсэн хүйстэй нь нийцэж байгаа хүмүүсийг хэлдэг.

¹ Astraea Сан, “Интерсекс хүмүүсийн талаар түгээмэл асуулт.” 2020 оны наймдугаар сарын 10-ны хандалт. <<https://www.astraeafoundation.org/frequently-asked-questions-intersex-issues/>>. НҮБ - ЛГБТ Тэгш эрх, Интерсекс баримтын хуудасаас ишлэв <<https://www.unfe.org/wpcontent/uploads/2017/05/UNFE-Intersex.pdf>>.



Энэ нь трансжендэр гэсэн нэршлийн эсрэг утгатай нэр томъёо юм.²

“Феминист арга хэмжээ буюу интервенц” гэж юу гэсэн үг вэ?

Бид тэгш бус байдал, ялгаварлан гадуурхалт, эрх мэдэл зэрэг асуудалд чиглэсэн бөгөөд эмэгтэйчүүд, охид, транс, интерсекс хүмүүсийн эрхийн байгууллага, манлайлал, бие даасан байдал, шийдвэр гаргах үйл явц зэрэг шинжийг агуулсан феминист зарчимд тулгуурласан арга хэмжээг дэмждэг. Феминист арга хэмжээ буюу интервенц нь эмэгтэйчүүд, охид, транс, интерсекс хүмүүсийн эрхийг үгүйсгэдэг, тэднийг эмзэг байдалд оруулдаг уламжлалт/түүхэн, институтын ялгаварлан гадуурхалтыг эсэргүүцдэг.

“Эрхэд суурилсан хөтөлбөр” гэж юу гэсэн үг вэ?

Эрхэд суурилсан хөтөлбөр нь одоо оршин буй хүний эрхийн суурь ойлголтыг агуулсан байдаг. Энэ нь байгууллагын хэрэгжүүлж байгаа хөтөлбөрийн цөмд эмэгтэйчүүд, охид, транс, интерсекс хүмүүсийн эрхийг авч үзэх, эдгээр хүн амын дуу хоолой, манлайлал, шийдвэр гаргалт нь хөтөлбөрийн салшгүй хэсэг байна гэсэн үг юм. Эрхэд суурилсан хандлага нь дараах бүрдэл хэсгүүдтэй: Эрхийг хүлээн зөвшөөрөх, эрхийг хэрэгжүүлэх, эрхээ хамгаалуулах, эрхийн зөрчлийг арилгах, мөн эрхийг хангаж, хамгаалснаар бий болсон үр дүнг тогтвортой хадгалах.

ТӨСЛИЙН САНАЛ ИЛГЭЭХ

Ямар хэлээр төслийн саналыг илгээж болох вэ? Бид төслийн саналаа и-мэйлээр илгээж болох уу?

Өргөдлийн багцыг Англи болон дараах 10 хэлээр татаж авах боломжтой байгаа. Үүнд: Индонезийн Баха, Бангла, Филиппино, Хинди, Монгол, Непал, Синхал, Тамил, Тай, Вьетнам хэл болно. Та өргөдлөө эдгээрийн. Аль ч хэлээр бичиж ирүүлэх боломжтой. Бид мөн Бахаса Малай, Бирм, Зонха, Кхмер, Лао, Тетум, Урду хэлээр бичсэн өргөдөл хүлээн авах боломжтой боловч, харамсалтай нь өргөдлийн багцыг эдгээр хэлрүү хөрвүүлэх боломж одоогоор хязгаарлагдмал

² Ази Номхон Далайн Транс Сүлжээ, “Азийн хэд хэдэн орны хууль эрх зүй, бодлогод хийсэн дүгнэлт”. 2020 оны наймдугаар сарын 10-ны хандалт. https://weareaptn.org/wp-content/uploads/2019/05/UPDATED-ACKNOWLEDGMENTS-2019_rbap-hhd-2017-legal-gender-recognition-1.pdf



байна. Хэрвээ та дээрхийн аль нэг хэлээр өргөдлөө ирүүлж байгаа бол өргөдлийн маягтыг татан авч, өргөдлөө төслийн санал хүлээн авах хугацаанд багтаан applications@wf-asia.org хаягаар ирүүлнэ үү.

Өргөдлийг цахимаар болон и-мэйлээр илгээх боломжтой. Цахим өргөдлийн маягт нь зөвхөн Англи хэл дээр байгаа бөгөөд зөвхөн Англи хэлээр илгээгдэх юм. [SFM хуудаст](#) зочилж нэмэлт мэдээлэл авна уу. Таны ашигласан линк зөв өргөдлийн загвартай холбогдсон эсэхийг нягтлана уу. Өргөдлийн маягтаа Шри Ланкийн цагаар 2021 оны 4 дүгээр сарын 2-ны 24 цагаас өмнө илгээнэ үү.

Манай байгууллагын баримт, бичгүүд манай улсын хэл дээр бичигдсэн байгаа. Би эдгээр бичиг, баримтийг хэрхэн илгээх вэ?

Хэрэв шаардлагатай баримт бичгүүдийн аль нэг нь Англи хэлээс өөр хэл дээр байгаа бол тухайн баримт бичгийг Англи хэлрүү орчуулсан баталгаат орчуулгын хувийг илгээнэ. Хэрэв аудитын тайлан нь Англиас өөр хэл дээр байгаа бол хамгийн багадаа Аудиторын дүгнэлт хуудас, Балансийн хүснэгт, мөн Орлогын баримтууд нь зайлшгүй англи хэл дээр орчуулагдсан байна.

Бид нэгээс олон төслийн санал илгээж болох уу?

Феминист хөдөлгөөн бэхжүүлэх хөтөлбөрт хувь хүн, албан байгууллага нь зөвхөн нэг өргөдөл илгээх боломжтой. Хэрэв нэгээс олон өргөдөл илгээвэл зөвхөн хамгийн эхэнд илгээсэн өргөдлийг авч үзэх болно. Хэрэв өргөдөл гаргагч байгууллага нь бусад байгууллагуудтай хамтран төслийн санал бичсэн, эсвэл түншлэгч байгууллагынхаа өмнөөс төслийн санал ирүүлсэн тохиолдолд тухайн байгууллагын нэмэлт төслийн саналыг харгалзан үзнэ. Мөн түүнчлэн тухайн байгууллага нь шалгуурт нийцэж байгаа бол Өмнөдөөс манлайлах нь тэтгэлэгт хөтөлбөрт өргөдлөө илгээх боломжтой. Хэрвээ тухайн байгууллага нь ФХБ болон ӨМ тэтгэлэгт хөтөлбөрүүдийн аль алинд нь шалгарсан бол зөвхөн нэг л тэтгэлэг авах болно.

Хамтын ажиллагааны хүрээнд өргөдөл гаргагч нь өөр бусад байгууллагатай хамтран боловсруулсан төслийн удирдагчаар өргөдөл илгээж болох уу?

Тийм. Өмнө дурьдсанчлан тухайн байгууллага нь хамтран боловсруулсан төслийн удирдагчаар өргөдөл ирүүлэх боломжтой. Гэвч АЭС-ийн төсөл шалгаруулах үйл



явц нь санхүүжилт төвлөрсөн бус байх, тэтгэлэг авагчид, газар зүйн байршил, стратеги, болон үйл ажиллагаанд санхүүжилт тэгш хуваарилагдсан байгаа эсэхийг нягтлах зорилготой байдгийг анхаарна уу. Өргөдлийг бичих хэлбэрээ шийдэхдээ уг хөтөлбөрийн хүрээнд олгох санхүүжилтийн дээд хэмжээг мөн тооцон үзнээрэй.

АЭС хуучин түншлэгчээ дэмжих үү эсвэл шинээр өргөдөл гаргагчийг үү?

АЭС бусад бүх санхүүжүүлэгч байгууллагуудтай адилаар нөөц, боломжийн хувьд хязгаарлагдмал асуудалтай байдаг. АЭС жил бүр шинэ түншлэгчтэй болохыг хичээн ажиллахын зэрэгцээ одоогийн түншлэгчийнхээ үйл ажиллагааг тогтвортой, удаан хугацааны байлгахад анхаардаг. Бид тэтгэлэгт хөтөлбөрийн үе шат бүрт байгаа нөөцдөө тулгуурлан шинэ болон одоогийн түншлэгчдээ хөрөнгө хуваарилах амаргүй шийдвэр гаргадаг. Жишээ нь АЭС төслийн уралдаанаа Өмнөд Ази болон Зүүн өмнөд Азийг хамруулан, 5 улсаас 17 улс болгон өргөжүүлсэнтэй холбоотойгоор хамгийн сүүлд зарлагдсан тэтгэлэгт хөтөлбөрийн 42% нь одоогийн хамтрагчдад, 58% нь шинээр тэтгэлэг авагчдад зориулагдсан.

Шалгах хуудсын жагсаалтад байгаа баримт, бичгүүд бүгд байхгүй бол бид яах ёстой вэ?

Төслийн санал хүлээн авах сүүлчийн хугацаанаас 2 долоо хоногоос доошгүй хугацааны өмнө бидэнтэй холбогдоно уу. Танд зарим бичиг баримт нь байгаа ч зарим нь байхгүй бол өргөдлийн маягтад тайлбарыг нь бичнэ үү. Хэрвээ танд зайлшгүй илгээх шаардлагатай баримт бичгүүдийн ихэнх нь байхгүй бол та уг хөтөлбөрт хамрагдах шалгуурыг хангахгүй юм. Иймд бидэнтэй холбогдоно уу. Шаардлагатай баримт бичгүүдийн аль нэг нь дутуу мөн/эсвэл яагаад тухайн баримт бичгийг илгээх боломжгүй болохыг тайлбарласан тайлбаргүй өргөдлийн маягтыг бүрэн гүйцэт гэж үзэхгүй болно. Зөвхөн зөв өргөдлийн маягт дээр бичигдсэн өргөдлийг цааш сонгон шалгаруулалтад оролцуулна гэдгийг анхаарна уу. Шалгах хуудсыг [эндээс](#) харна уу.

Төслийн санал хүлээн авах сүүлийн хугацаа хэзээ вэ?

Төслийн санал хүлээн авах сүүлийн хугацаа Шри Ланкийн цагаар/GMT+5:30 2021 оны 4 сарын 2-ны 24 цаг. Системд гарах бэрхшээлээс урьдчилан сэргийлэх үүднээс бүрэн гүйцэт бичигдсэн өргөдлийн маягт болон бусад шаардлагатай



бичиг, баримтуудыг санал хүлээн авах сүүлчийн хугацаанаас 2-3 хоногийн өмнө илгээхийг та бүхэнд зөвлөж байна.

СОНГОН ШАЛГАРУУЛАХ ҮЙЛ ЯВЦ

АЭС дахь тэтгэлэг сонгон шалгаруулах үйл явц хэрхэн явагддаг вэ?

Төслийн санал хүлээн авах сүүлийн хугацаа дууссаны дараа АЭС-ийн баг хүлээн авсан бүх саналуудыг нэгтгэсэн мэдээллийн сан үүсгэж техникийн шалгуурт үндэслэн эхний шатны шалгаруулалтыг хийнэ. Эхний шатанд тэнцсэн өргөдлийг санал болгож буй үйл ажиллагаа, стратеги, арга зүй, интервенцийн мөн чанар, агуулга, манлайлал болон дэмжлэг үзүүлэх хүн ам зэрэг шалгуурын дагуу нягталж үзнэ. Үүний дараа санхүүгийн болон эрх зүйн хийдэлгүй байдал болон тодорхойлох захидлыг нягтлан үзнэ. Эцсийн шатны шалгаруулалтад тэнцсэн өргөдөл гаргагчдыг АЭС-ийн бүсийн зөвлөх хороонд илгээнэ. Зөвлөх хорооны саналд үндэслэн тэтгэлэгийн шийдвэр эцсийн байдлаар гарна.

АЭС өргөдлийг шалгаруулахад хэр их хугацаа болдог вэ?

Төслийн санал хүлээн авсан сүүлийн өдрөөс эхлэн материалууг нягтлан үзэх, сонгон шалгаруулахад ойролцоогоор 5 сар зарцуулдаг.